

Bruxelles, 26 juli 1906.  
r. Hobbes 73.

Prof. G. Peano  
Torino

Sinior e amik estimad,

Pardona mi, if mi av negliged vo e votr mitadi sukcesiv durante kelk temp. Mi av pased tranc fas de diskurajament, no konosante kekos mi debas faciar. It esav okationed intr otri per inertia nekompredabl de siniori "Akademiani", e per resistance taciturn kel mi esperi da flank de S. Holmes. It no val per donar detalii, ma vo kredero mi kuande mi dik ke Holmes no dirig labori de Akademia in esprit scientific. Macedon es pro mi sepult de propositioni independent, ~~divers~~ e de iniciativ libr.

Anke Progres no es place, keloke mi pokes donar mi ko entuziasm. Rosenberger kuale Holmes es tro autoritar. Exce it, Rusia no es ci-momente land pro edition de jurnal.

Vo konos ke in stand aktual de science, it es eklektiki u sintetiki keli es leflu important, kauseli prov kombinar skol spiritualist ko skol historik. Anke in domo de lingua universal tal sintetism es rekomendabl. ~~Tanke~~ Pro el racion mi no volu esar defensor eksklusiv de Idiom Neutral. Restante elev de Akademia, e konservante rekonsament pro sie instruktion, mi volu sekuar via propr. Mi senti mi avriod versu votr proposition, speciale Tome V es excessive inter. rest. Mi av simpati pro Mollenaar, e pro omni personi keli av proposed solutioni in el dem esprit.

Mi av prended resolution fundar revu, modest in komence, ma posible ko cert futur, if mi av sukses trovuar kolaboratori e abonati.

Si-tempe mi dony sole kelk informationi a no perdar temp. Vo es un de primi ko keli mi parol de ist kuestion, kauseli it es votr sukurs e konsil keli av okationed mie resolution. E kauseli mi esper ke vo deveniero un de mie leflu bon kolaboratori.

Nom esero "Idei international", Revu general in lingua european. Texti esero eksklusive in lingua universal, ~~esero~~ in kelos mi nom ~~est~~ "projekti prihl": Mundolinguo, Idiom Neutral, Panroman, Latino sine flexione e ceti.

Revu no esero eksklusive lingvistik, ma deb kontenar principale artikli de interes general.

Grandit 18 16 pagini, extra it kuvert e anunti.  $\frac{1}{2} - \frac{3}{4}$  pro artikli de interes general. Rest pro lingua universal.

Revu aparero provisoro omni 2 menci. Naturale mi esper ke it deveni revu mensual, e ipse semi-mensual.

Di kuestion de pris mi no ankor parol, kause mi no konos sufise detali. Mi devr preparar seriose ist entrepid. Ci movato mi av komencad a numr 1, prov. numr. Possible it es preferabl faciar sole prospekt, in kel mi expos mie intension e invit a kolaboration.

Redaktar esero mi. Ma it semblike un redaktor no es sufisat. Pro el ration mi av pensad a otr redaktor, a ... vo. Po-breve mi esper mitar vo kopi de introduktion, yuste skribed per mi pro revu. In it vo videro ke mi av prended bas multe larg. E vo potas decidat etke in princip vo potas akceptar mie of.

Mi devr pagar da komenc kolaboratori. Naturale no kvale in revu grand. Kelk kos intr 1 e 2 frank <sup>pagi</sup> it redaktori deb esar payed pro labori de redaktion, e ulteriore administrator e korrektor.

Mi donero cert % a vendori de noste revu, e a personi keli prokur noi anuci.

If omni kos av esed bene reflekted e prepared, mi esper ke revu marshero sine deficit. Kos principal es Amvar publik grand. Pro it, kontenad deb esar interesant e varied. In punkt de vis politike: advanced, i.e. konte papism, konte Asarism, konte opresion, ma no apartenat a kelk parti.

Mi fini. Sine it, mi kontinuerio usk domani. Vo potas formar ko ide de kelos mi volu. Ava bonitet reflektar, e donar vote respond. §  
Facia observazioni di "introduktion". Ili potas esar util.

Merci grand pro Tome V, sul libro V di Euclide. Mi donero apereu de omni vote libri in "Idei international".

Mi no ankor prendar decision in afer de Geneve. It es la distant e kar. It esero interesant a avar ide de mentalitet de esperantisti. On potas visar su place etke ili es periklos. If posibil, skriba kelk paroli pro kel rationi vo anderso. Kelos sine dubi utir mi, es revisar vo e reparlar ko vo.

Receiva mie salutis leplu bon:

W. Prouto de Prulevelt.